

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVICI
OPĆINSKO VIJEĆE**

**БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКО ВИЈЕЋЕ**



**BOSNIA AND HERZEGOVINA
FEDERATION BOSNIA AND HERZEGOVINA
TUZLA CANTON
MUNICIPALITY BANOVICI
MUNICIPAL COUNCIL**

Tel. 035 743 458; Fax 035 743 456;
Adresa: Ulica Alije Dostovića br. 1, 75 290 Banovići

Broj: 12-04-264/21

Datum: 30.04.2021. godine

Na osnovu člana 13. Zakona o principima lokalne samouprave u Federaciji BiH ("Službene novine FBiH" broj 49/06), u skladu sa odredbama zakona o javnim preduzećima u Federaciji Bosne i Hercegovine ("Službene novine FBiH" broj 8/05, 81/08, i 22/09), člana 8. Zakona o ministarskim, vladinim i drugim imenovanjima Federacije BiH ("Službene novine FBiH" broj 12/03, 34/03, 65/13), člana 26. Statuta Općine Banovići ("Službeni glasnik općine Banovići" broj 2/20), Predsjedavajući Općinskog Vijeća Banovići objavljuje:

**JAVNI OGLAS
ZA IZBOR I IMENOVANJE PREDsjedNIKA I ČLANOVASKUPŠTINE, ODBORA ZA
REVIZIJU I NADZORNIH ODBORA JAVNIH PREDUZEAĆA ČIJI JE OSNIVAČ OPĆINA
BANOVICI**

a) Javna preduzeća čiji je osnivač općina Banovići su:

1. Javno preduzeće "Vodovod i kanalizacija" d.o.o. Banovići,
2. Javno preduzeće "Komunalno" d.o.o. Banovići,.
3. Javno preduzeće "Toplana" d.o.o. Banovići.

b) Skupština javnog preduzeća:

- JP "Vodovod i kanalizacija" d.o.o. Banovići, predsjednik i dva člana iz reda osnivača.
- JP "Komunalno" d.o.o. Banovići, predsjednik i dva člana iz reda osnivača.
- JP "Toplana" d.o.o. Banovići, predsjednik i dva člana iz reda osnivača.

c) Odbor za reviziju javnog preduzeća:

- JP "Vodovod i kanalizacija" d.o.o. Banovići, predsjednik i dva člana iz reda osnivača.
- JP "Komunalno" d.o.o. Banovići, predsjednik i dva člana iz reda osnivača.
- JP "Toplana" d.o.o. Banovići, predsjednik i dva člana iz reda osnivača.

d) Nadzorni odbor javnog preduzeća:

- JP "Vodovod i kanalizacija" d.o.o. Banovići, predsjednik i dva člana iz reda osnivača.
- JP "Komunalno" d.o.o. Banovići, predsjednik i dva člana iz reda osnivača.
- JP "Toplana" d.o.o. Banovići, predsjednik i dva člana iz reda osnivača.



e) Prava i obaveze Skupštine Javnog preduzeća su:

- Odlučuje o poslovnoj politici i strategiji razvoja društva,
- usvaja godišnje izvještaje društva, koji uključuje finansijski izvještaj, izvještaj revizora i izvještaj o radu Nadzornog odbora,
- odlučuje o rasporedu i isplati dobiti,
- odlučuje o načinu pokrića gubitka,
- odlučuje o povećanju i smanjenju osnovnog kapitala,
- odlučuje o promjeni firme i sjedišta društva,
- odlučuje o pristupanju novih članova i isključenju članova, kao i naknadi udjela,
- usvaja statut društva,
- odlučuje o spajanju sa drugim društvima i pripajanju drugih društava društvu ili društva drugom društvu,
- odlučuje o promjeni oblika ili podjeli društva,
- odlučuje o prestanku društva sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije,
- odlučuje o kupovini, prodaji, razmjeni, uzimanju ili davanju u lizing, uzimanju ili davanju kredita i drugim transakcijama direktno ili posredstvom subsidijarnih društava u toku poslovne godine u obimu većem od trećine knjigovodstvene vrijednosti društva po bilansu stanja na kraju prethodne godine, kao i o takvoj transakciji u manjem obimu za čije odobrenje je ovlašten Nadzorni odbor, kad on takvu predloženu transakciju nije odobrio jednoglasnom odlukom,
- vrši izbor i razrješenje članova Nadzornog odbora pojedinačno,
- vrši izbor i razrješenje Odbora za reviziju,
- odlučuje o naknadama članova Nadzornog odbora i Odbora za reviziju,
- odlučuje o osnivanju, reorganizaciji i likvidaciji subsidijarnih društava i odobravanju njihovih statuta,
- odlučuje o izmjenama i dopunama statuta koje se odnose na tačke e, i, j ovog člana ili druga pitanja o kojima u skladu sa zakonom ili statutom društva skupština donosi posebne odluke čiji pravni učinak uključuje izmjenu odgovarajućih odredaba statuta društva,
- donosi poslovnik ili poslovnike na prijedlog Nadzornog odbora,
- donosi etički kodeks na prijedlog Nadzornog odbora,
- odlučuje o planu poslovanja, odnosno revidiranom planu poslovanja u skladu sa Zakonom o javnim preduzećima u Federaciji Bosne i Hercegovine,
- odlučuje o drugim pitanjima bitnim za poslovanje društva u skladu sa zakonom.

f) Prava i obaveze Odbora za reviziju Javnog preduzeća su:

- imenuje vanjskog revizora,
- razmatra godišnju studiju rizika i plana revizije i preduzima mjere i aktivnosti na korekciji utvrđenih propusta,
- osigurava da interne kontrole u preduzeću budu adekvatne i funkcionišu kako je predviđeno,
- podnosi nadzornom odboru informaciju o svojim mjesečnim sastancima,
- vrši reviziju polugodišnjeg godišnjeg obračuna i reviziju finansijskog poslovanja preduzeća na zahtjev članova preduzeća i o tome dostavlja izvještaj skupštini i nadzornom odboru,
- daje preporuke upravi o uočenim nepravilnostima u radu,
- obavlja i druge poslove iz djelokruga revizije.

g) Prava i obaveze Nadzornog odbora Javnog preduzeća su:

- Nadzorni odbor preduzeća nadzire rad uprave preduzeća,
- priprema poslovnike i predlaže ih skupštini,
- priprema etički kodeks i predlaže ga skupštini,
- vrši izbor kandidata Odbora za reviziju i podnosi prijedlog za njegovo imenovanje skupštini,
- razmatra provedbeni propis za postupak nabavke i nadzire njegovo provođenje,
- daje mišljenje skupštini o prijedlogu uprave za raspodjelu profita,
- imenuje i razrješava članove uprave,
- daje saglasnost za aktivnosti koje su ograničene na osnovu odredbi Zakona o javnim preduzećima,
- daje upute direktoru za provođenje uviđaja u vezi sa uočenim nepravilnostima
- vrši druge poslove u skladu sa Zakonom, Statutom i drugim normativnim aktima preduzeća.

h) Mandat i naknada za rad

Predsjednik i članovi Skupštine, Odbora za reviziju i Nadzornog odbora imenuju se na period od 4 (četiri) godine, uz mogućnost ponovnog imenovanja u skladu sa zakonom.

Mandat može biti prekinut i prije protoka četiri godine iz razloga definiranih aktima osnivača i ustanove.

Imenovane osobe imaju pravo na naknadu u skladu sa Zakonom i uslovima utvrđenim općim aktima ustanove, i ista će se isplaćivati iz sredstava ustanove.

i) Opći uslovi za imenovanje

Svi kandidati za pozicije u regularnom organu koji je predmet ovog javnog oglasa moraju ispunjavati sljedeće opće uslove:

1. Da je državljanin BiH,
2. Da je stariji od 18 (osamnaest) godina,
3. Da nije otpušten iz državne službe kao rezultat disciplinske mjere (bilo na nivou države ili entiteta) u period od 3 godine prije objavljivanja upražnjene pozicije,
4. Da se na njega ne odnosi član IX.I Ustav Bosne I Hercegovine (da nisu pod optužnicom Međunarodnog suda za ratne zločine u bivšoj Jugoslaviji),
5. Da se protiv njega ne vodi krivični postupak,
6. Da nije osuđivan za krivično djelo i za privredni postup koji je nespojiv sa dužnošću u Skupštini, Odboru za reviziju i Nadzornom odboru, pet godina od dana pravosnažnosti presude, isključujući vrijeme zatvorske kazne,
7. Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH ("Službene novine Federacije BiH" broj 12/03, 34/03, 65/13),
8. Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH (Službene novine FBiH broj 70/08),
9. Da nema privatni finansijski interes u javnom preduzeću u koju se kandidira u smislu člana 2. tačke 1.2. Zakona o ministarskim, vladinim i drugim imenovanjima u Federaciji BiH.
10. Da nije lice kojem je pravosnažnom presudom suda zabranjeno obavljanje aktivnosti u nadležnosti javne ustanove u koju se kandiduje,
11. Da ne postoje druge zakonske smetnje za obavljanje poslova iz nadležnosti Skupštine, Odbora za reviziju i Nadzornog odbora.

j) Posebni uslovi za imenovanje :

Za imenovanje predsjednika i člana Skupštine, Odbora za reviziju i Nadzornog odbora javnog preduzeća iz reda osnivača, kandidat treba imati VII, VI ili IV stepen stručne spreme društvenog ili tehničkog smjera i radno iskustvo od najmanje 1 (jednu) godinu.

k) Pored općih i posebnih uslova za imenovanje u Skupštinu, Odbor za reviziju i Nadzorni odbor kandidati treba da:

- uživaju ugled u lokalnoj zajednici,
- posjeduju odgovarajuće stručno znanje iz oblasti za koju se kandidiraju,
- nisu članovi više od jednog upravnog odbora,
- posjeduju sposobnost nepristrasnog donošenja odluka,
- posjeduju komunikacijske i organizatorske sposobnosti.

l) Potrebni dokumenti:

Uz prijavu na javni oglas kandidati su dužni priložiti:

1. Kraću biografiju, adresu i kontakt telefon,
2. Uvjerenje o državljanstvu, ne starije od 6 (šest) mjeseci,
3. Ovjerenu kopiju diplome,
4. Uvjerenje o radnom iskustvu,
5. Ovjerenu Izjavu kojom dokazuju da ispunjavaju ostale opće uslove iz tačaka 3. 4. 7. 8. 9. 10. i 11. Općih uslova za imenovanje.

Sva tražena i navedena dokumentacija mora biti u originalu ili ovjerenoj kopiji, a Izjava mora biti ovjerena od strane nadležnog organa.

Izjava navedena u tački 5. Može se dostaviti pojedinačno ili na jednoj izjavi.

U roku od 8 (osam) dana od dana imenovanja, kandidat koji bude konačno imenovan za člana Skupštine, Odbora za reviziju i Nadzornog odbora javnog preduzeća, bit će dužan dostaviti sljedeću dokumentaciju javnom preduzeću u kojoj bude imenovan, i to:

1. Uvjerenje da se protiv njega ne vodi krivični postupak,
2. Uvjerenje da nije osuđivan za krivično djelo i privredni prestup, nespojiv sa dužnosti u Skupštini, Odboru za reviziju i Nadzornom odboru.

Kandidat je dužan prilikom apliciranja na javni oglas, naglasiti za koju poziciju i u koje preduzeće se kandidira.

Podnosioci prijava s kojima se ne stupi u kontakt u roku od 15(petnaest) dana od dana isteka roka za podnošenje prijava, neće se uzeti u razmatranje u daljem procesu imenovanja.

Svi kandidati koji budu stavljeni na listu bit će pozvani na intervju. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnosti koje bi mogle dovesti do sukoba interesa u slučaju da dođe do njegovog imenovanja.

Prije intervjuja komisija može tražiti podatke od neposrednih ranijih poslodavaca i rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreme.

Nakon intervjuja Komisija za izbor će predložiti rang listu sa najboljim kandidatima i dostaviti odgovornom javnom službeniku općine Banovići (Općinsko vijeće) na daljnje razmatranje i konačno imenovanje.

Konačna imenovanja će se objaviti u "Službenim novinama Federacije BiH" ili "Službenom glasniku općine".

Bilo koji kandidat ili zainteresirana stranka mogu podnijeti prigovor na konačno imenovanje, ako smatraju da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji Bosne i Hercegovine.

Prigovor na konačna imenovanja se podnosi odgovornom javnom službeniku općine, a kopija se dostavlja Ombudsmenu za ljudska prava BiH.

Javni oglas ostaje otvoren 14 (četrnaest) dana od dana objavljivanja u "Službenim novinama FBiH", dnevnom listu, službenoj web stranici općine Banovići i Oglasnoj ploči općine Banovići. Rok za podnošenje prijave računa se prema datumu objave oglasa u glasilu koje zadnje objavi ovaj oglas.

Prijave sa svim traženim dokumentima dostaviti lično ili preporučeno poštom na adresu. **OPĆINA BANOVIĆI**, ulica Alije Dostovića broj 1, 75290 Banovići sa naznakom **"Prijava na oglas za imenovanje predsjednika i članova Skupštine, Odbora za reviziju i Nadzornog Odbora" NE OTVARAJ.**

Obrazac prijave moguće je preuzeti na web stranici Općine Banovići, (www.opcina-banovici.gov.ba) ili u Centru za pružanje usluga građanima (šalter sala) općine Banovići.

Neblagovremene i nepotpune prijave se neće uzeti u razmatranje.

Ovaj se oglas može poništiti u svako vrijeme bez posebnog obrazloženja od strane organa koji ga je raspisao.

PREDSJEDAVAJUĆI OPĆINSKOG VIJEĆA



Robert Lapčević

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE**



**BOSNIA AND HERZEGOVINA
FEDERATION BOSNIA AND HERZEGOVINA
TUZLA CANTON
MUNICIPALITY BANOVIĆI
MUNICIPAL COUNCIL**

**БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКО ВИЈЕЋЕ**

Tel. 035 743 458; Fax 035 743 456;
Adresa: Ulica Alije Dostovića br. 1, 75 290 Banovići

Broj:

Datum, 05.05.2021. godine

OBRAZAC PRIJAVE

Na javni oglas za izbor i imenovanje predsjednika i članova skupštine, odbora za reviziju i nadzornih odbora Javnih preduzeća čiji je osnivač Općina Banovići

Ime i prezime	
Datum i mjesto rođenja	
Adresa	
Kontakt telefon	
e-mail	
Naziv pozicije za koju se kandidira i naziv JP u koje se kandidira	

Uz obrazac prijave prilažem sljedeću traženu dokumentaciju:

1. Kraća biografija, sa adresom i kontakt telefonom,
2. Uvjerenje o državljanstvu,
3. Ovjerenu fotokopiju diplome,
4. Uvjerenje o radnom iskustvu,
5. Ovjerenu Izjavu kojom dokazujem da ispunjavam ostale opće uslove iz tačaka 3.4.7.8.9.10. i 11. Općih uslova za imenovanje.

U Banovićima, dana _____ 2021.godine

(Potpis kandidata)